

第一回

西王母瑤池開宴

天狼星月殿求姻

女仙，唐賽兒也，說是月殿嫦娥降世。當燕王兵下南都之日，賽兒起義勤王，尊奉建文皇帝位號，二十餘年。而今敍他的事，有關於正史，故曰女仙外史。請問安見得賽兒是嫦娥降世？劈頭這句話，似乎太懸虛了。看書者不信，待老夫先說個極有攷據的引子起來：——

宋朝真宗皇帝，因艱於嗣胤，建造昭靈宮祈子，誠格上天，玉帝問仙真列宿：『誰肯下界，爲大宋太平天子？』兩班中絕無應者；止有赤脚大仙微笑。上帝曰：『笑者未免有情。』遂命大仙降世。誕生之後，號哭不止，御醫無方可療。忽宮門有一老道人，自言能治太子啼哭；真宗召令看視，道人撫摩太子之頂曰：『莫叫！莫叫！要叫，何似當年莫』

笑？文有文曲，武有武曲。休哭，休哭！』太子就不啼哭。——是爲仁宗皇帝。此道人乃是長庚星。說的文曲，是文彥博，武曲，是狄青，皆輔佐仁宗致治之將相。

要知成仙成佛者，總屬無情；赤脚大仙一笑，便是情緣，少不得要下界去的。然而此情，又種種不同，或因乎喜，或因乎忿，或因乎恩愛仇怨，各隨其所因，便要做出許多事來。試看古來英雄豪傑，忠臣烈士，如伍員之興吳覆楚，子房之爲韓報仇，關神武之討賊伐曹，張睢陽之起兵拒寇，郭汾陽之再造唐室，岳少保之誓迎二帝，文丞相之建義勤王，沒而爲神聖者，史冊所載，不可枚舉。卽就建文遜國之後，諸臣殉難，有俞都御史景清，假爲曲從，衣藏利刃，欲刺永樂，欽天監奏文曲星犯帝座甚急，其色赤，而景公適著緋衣，豈非明驗？東坡先生云：『其生也有自來，其死也有所爲，故申呂自縊降，傳說爲箕尾。』此理之常，無足怪者。至於女子，亦有同然：如柴紹之妻，統娘子軍而起義；朱序之母，築夫人城而拒敵；李穀之女，自領甯州印，而大破蒼夷；至若高涼之洗夫人爲嬭星；遼之蕭太后是婺宿，唐之則天皇帝是大羅天仙，亦皆傳記所載。夫

豈誕妄者哉？

按道書云：天上有一位萬劫不壞的金仙，聖號稱做王母，居於瑤池——池在東天之西偏，亦名曰西池；王母亦名曰西母。天上各有境界：東天是道祖三清，及羣仙所居；西天是如來佛祖，及諸菩薩阿羅漢所止；北天是玄武大帝，暨衆神將治焉；昊天上帝之宮闕，則在中央，而統轄南天；——南天雖有南極老人與南斗星官，要皆在上帝統轄之內。上帝好生，故居中而治南，有長養萬物之義；玄帝統雷霆神將，以肅殺爲主，故居於北；佛教寂滅無生，故以西方爲極樂；道家以一炁長生爲主，是以占於東方，取氣始生之義。王母所居珠樓貝闕，在瑤池之畔；此池非下界之水，乃是融成玉之精髓，溶溶漾漾，竟如酒漿一般。那瑤池之北，有三座大殿，中間一座名碧桃殿，東名青鸞，西名石麟，三殿皆因物名。其碧桃樹在西池之南，高八十尋有咫，——俗所云蟠桃萬年一結子者，——正對中間大殿，玲瓏盤鬱，勢若虬龍；不但下界所無，卽佛家之婆羅，廣寒之丹桂，與夫三島之珠林瓊樹，亦迥乎不同。這是何故？只爲他有瑤水浸潤，故其枝葉

花葩，皆帶玉之精華，在仙樹爲獨冠；所結盤桃，食一枚壽與天齊，若是三枚，能超萬劫。西母於桃熟之日開宴，止請佛菩薩道路天尊與上帝及諸大仙真，其餘一切仙官仙吏，海島洞府散仙，斗牛宮二十八宿，總不得與；是以歲星東方朔每至竊食。今此一度，蟠桃繁盛，倍於從前，凡散仙列宿，亦多邀請，爲萬劫以來第一盛會。其時佛祖仙真，次第咸集；唯上帝後至；遙見鑾駕雍容；御的是綠瓊輦，張的是紫雲蓋；星幢前導，羽葆後擁；衆仙皆俯伏遠迎。上帝先與如來諸佛祖三清道祖稽首而言曰：『元運告終，民生應罹兵劫三迴，已命婁金宿下界，勘平禍亂；今又命天狼星下界。計民生應遭殺戮者五百餘萬，朕檢閱冊籍，凡人有一事一念之善者，悉與特宥。』如來合掌云：『善哉，善哉！帝德之好生也！』西王母遂請入座。向南正中，釋迦如來，左是過去諸佛，右是未來諸佛，前是三清道祖，東西向皆諸大菩薩。東間上帝南向，左坐昭位，第一玄武大帝，以下皆諸天尊；右坐穆位，青華帝君第一，以下皆諸太真人。西間南向獨坐，是南海大士，北向兩坐，左爲斗姥天真，右爲九天玄女。東向首座鬼母天尊，西向首坐天孫

織女；餘爲太微左夫人，九華安妃，昭靈夫人，飄香夫人，月殿嫦娥，魏元君，許飛瓊，段安香，何仙姑，麻姑，樊夫人，王太真，阮靈華，周瓊英，鮑道姑，吳彩鸞，雲英等女仙真。西王母陪席。其蟠桃每人一顆，上帝三清佛祖各兩顆，唯釋迦如來是三，佐以交梨火棗雪藕冰桃，酒則瓊漿玉液，丹則絳雪玄霜。如來手舉蟠桃而說偈曰：

桃有萬年子，人無百歲春。

可憐虛寶筏，若個渡迷津？

然後剖食。迦葉在側垂涎，阿難睨而笑之；如來卽以一桃與迦葉，一桃與阿難。道祖老君亦以一枚與金銀二童子分食。時南極老人跨來之鶴，舒翼旋舞，延頸徐鳴；如中音節；而鹿亦跳躍呦呦，俯首伏地，若乞憐狀。南極笑曰：『你這兩個畜生，也想要吃這樣好東西？』因以指爪各指一片與之。大士見善財童子在一旁注視，亦授以一枚；善財曰：『菩薩！想是年老健忘了。我在西天路上做大王，要吃唐僧，那時菩薩下個箍兒，將我兩手合住，再不得開，如何來接桃子？』大士對着衆仙女道：『這個孩子雖是牛種，倒

也聰明；只是他學好之心，却還未定，是以至今箍住他雙手。」衆女仙皆各稱善。大士將一手指善財，兩手分開，掙去桃子吃畢，仍舊合攏了。

嫦娥有左右二仙女，一名素英，一名寒簧，是最親近的。嫦娥以蟠桃分作三分，以二小分與二仙女，一大分自嘗。王母見了，便問侍女董雙成謝長珠：『還剩下蟠桃多少？』董仙女就知要與嫦娥，因答云：『往年結得少，倒剩二十餘枚，今年結得多，反剩得十一顆。』王母云：『這丫鬟慳吝！可取一個來！餘十枚，留與你們分吃罷。』董仙女因檢一枚送到，王母隨遞與嫦娥道：『嫦娥！今將遠別，分外申敬一枚。』嫦娥不知所謂，只道是筵散分別的話，欠身謝道：『佛祖道祖止有二顆，小仙何德敢承？』堅辭不受。鬪戰勝佛大言曰：『誰謂仙家無情？以我看來，比凡人還勝。請看王母剩下蟠桃，獨與嫦娥，若說不是有情，因何不多送我一顆？』如來曰：『王母送與嫦娥，禮也，非情也；猶如下界餞行一般。』悟空！你已成佛，何猶是舊日粗鹵？』老君云：『前次蟠桃會，他一人偷食許多，今止一個，豈能遂意？怪不得他要爭了。』鬪戰勝佛笑曰：『

我這個成佛，猶之乎盜賊做官，今日撞着了對頭。』合座皆笑，王母與衆仙亦各微笑。只有嫦娥又聞如來餞行之言，與王母遠別二字，適相照合，心下十分疑惑，全無笑容。大士曰：『這願蟠桃，王母是該送的，嫦娥是該受的，不須推辭。』嫦娥只得勉強受了，便稽首大士前曰：『小仙常願皈依如來，因自愛其髮，不肯遽薙，深以爲慚。今願皈依大士，懇求指示未來。』大士曰：『要知未來，先明既往。你自省之！』嫦娥愈不能知其故，復又稽首懇請；大士乃微露其端曰：『嫦娥！不記得奔月時乎？那時王母娘娘以丹藥賜與有窮國君后羿，爾時爲國妃，竊啖其丹，因得飛身入月；獨是后羿情緣未盡，恐將來數到，不能不爲了局。』嫦娥默然半晌曰：『我聞緣從情發，情亦從緣發；若一心不動，情緣兩滅。小仙在月宮清修數千年，情緣亦已掃除，不知從何而發？』大士曰：『緣有二種：好種曰「情」，惡種曰「孽」。情緣如鐵與磁石遇，則必合，不但不能強人之不合，卽天亦不能使之不合也；孽緣如鐵之與火石遇，則必有激而合者，孽之謂也。——是則凡人多溺於其內，而仙則能超乎其外者也。嫦娥請記斯言，後當有驗。』